

Риёзус солиҳийн шархи / Риёзус солиҳийн шархи / 550-ҳадис

550 - عَنْ سَالِمَ بْنِ عَبْدِ اللَّهِ بْنِ عُمَرَ، عَنْ أَبِيهِ عَبْدِ اللَّهِ بْنِ عُمَرَ، عَنْ عُمَرَ رَضِيَ اللَّهُ عَنْهُمْ قَالَ: كَانَ رَسُولُ اللَّهِ صَلَّى اللَّهُ عَلَيْهِ وَسَلَّمَ يُعْطِينِي الْعَطَاءَ، فَأَقُولُ: أَعْطِهِ مَنْ هُوَ أَفَقُرُ إِلَيْهِ مِنِّي، فَقَالَ: «خُذْهُ، إِذَا جَاءَكَ مِنْ هَذَا الْمَالِ شَيْءٌ، وَإِنْتَ عَيْرُ مُشْرِفٍ وَلَا سَائِلٍ، فَخُذْهُ فَتَمَوَّلُهُ، فَإِنْ شِئْتَ كُلُّهُ، وَإِنْ شِئْتَ تَصَدَّقُ بِهِ، وَمَا لَا، فَلَا تُثْبِعْهُ تَفْسِيْكَ» قَالَ سَالِمٌ: فَكَانَ عَبْدُ اللَّهِ لَا يَسْأَلُ أَحَدًا شَيْئًا، وَلَا يَرْدُ شَيْئًا أُعْطِيَهُ. مُنَفَّقٌ عَلَيْهِ [خ 1473، م 1045].

«مُشْرِفٌ» بِالشِّيْنِ الْمُعْجَمَةِ: أَيْ: مُتَطَلِّعٌ إِلَيْهِ.

550. Солим ибн Абдуллоҳ ибн Умар оталари Абдуллоҳ ибн Умардан, Абдуллоҳ ибн Умар эса оталари Умар розияллоху анхудан қилган ривоятларида:

«Расулуллоҳ соллаллоху алайхи васаллам менга ато бериб турар эдилар. Мен: «Буни мендан кўра камбағалроқ кишига беринг», дер эдим. Шунда у зот: «**Буни олавер. Ўзинг кўз тикмаган ва сўрамаган ҳолда бу молдан сенга нима келса, уни олгин. Буни олгин-да, ўз молингга қўш, агар хоҳласанг егин, агар хоҳласанг садақа қилиб юбор. Акс ҳолда унга кўнгил боғлама**», дебдилар».

Солим айтади: «Ибн Умар ҳеч кимдан ҳеч нарса сўрамас эди, аммо бирор нарса берилса, қайтармас ҳам эди».

Муттафақун алаих.

Шарҳ: Ушбу ривоятдан олинадиган фойдалар:

1. Бошлиқ ўз фикрига биноан баъзи кишиларга ўта муҳтоҷ бўлмасалар ҳам совға бериши мумкин экани.

2. Умар розияллоҳу анхунинг ифратлари.

Расулуллоҳ соллаллоҳу алайҳи васалламга: «Мендан кўра фақирроқ кишига берсангиз» дейишлари шуни кўрсатади.

3. Тама қилмаган, сўрамаган одамга бирор нарса берилса, унинг олиши жоиз бўлса, олиши кераклиги.

4. Тама қилган ёки сўраган бўлса, олмагани яхши экани.

Манба: hadis.islom.uz

